

մը վերջ ազատ արձակվելեն հետո, Գումգաբուրի արվարձանին կանկա թաղի ս. Նիկողայոս եկեղեցիին մեջ հիմնեց արևմտահայերու առաջին տպարանը: Ասիկա 1483-ին հրեա Րաֆֆի Կերստնի կողմն Կ. Պոլսո մեջ հիմնված առաջին տպարանն է վեր երկրորդը կը հանդիսանար: Աբգար Թոխաթցին 1567—1569 թվականներուն այդտեղ 6 գիրք տպագրեց: Ասոնք Թուրքիո մեջ տպված առաջին հայերեն գիրքերն էին: Աբգար Դպիրեն վերջ Կ. Պոլսի երկրորդ հայկական տպարանը հիմնեց անվանի մտածող և պատմագիր Երեմիա Չելեպի Քյոմուրճյանը՝ Գումգաբուրի Գատրերկա թաղը: Սակայն այս տպարանի կյանքը կարճատև եղավ (1677—1678): Երկու գիրքեր տպագրելի վերջ փակվեցավ: Տարակարծության հետևանքով իր գործակիցեն՝ Գրիգոր Մարզվանցիեն, բաժնեւ՝ վող Աստվածատուր Դպիր Կոստանդնուպոլսեցին 1699-ին տպարան մը հիմնեց: Աստվածատուրի մահեն վերջ (1748) անոր որդիները՝ Հովհաննեսը, Մինասը և Հարությունը տպագրական և հրատարակչական գործը շարունակեցին 26 տարի (1750—1776): Այդ թվականեն վերջ տպարանը անցավ Ապուլեխցի Հովհաննես Արապյանին:

Նույն տարին Մարզվանցի Գրիգորը Երեմիա Չելեպի Քյոմուրճյանի տառերու օրինակով նոր տառեր ձուլեց և հիմնեց չորրորդ տպարան մը, որ իր գոյության 45 տարիներու ընթացքին տպագրեց 14 անուն գիրք (1698—1734 թթ.): Սարգիս դպիրն ու անոր որդին՝ Մարտիրոս Սարգիսյանն ու թոռները իրենց տպարանին մեջ տպեցին 38 գիրք: Այդ միջոցին, 1730-են սկսյալ, Կ. Պոլսո մեջ բացվեցան գրախանութներ: Անոնցմե առաջինն էր Աստվածատուր դպիրի գիրքերը վաճառող էրզրումցի Մանուկի գրախանութը:

Անկե հետո, կարգով, Սեբաստացի ոսկեղօծող Բարսեղ և Հակոբ եղբայրներու 1735 թվականին հիմնած տպարանը 5 տարի վերջ՝ իր տեղերու մահվան հետևանքով, անցավ Բարսեղի որդիներուն՝ Գաբրիելին, Սարգիսին, Աստվածատուրին և Միքայելին: Այս տպարանին մեջ 1736—1755 թվականներուն տպագրվեցան 6 գիրք: Այս ժամանակաշրջանին է, որ երևան կուգան վիմատիպ նկարները՝ տպագրված գիրքերուն մեջ: Իսկ 1734—1746 թվականներուն Աբրահամ Թրակացին կը տպագրե տասն ավելի գիրքեր:

1766-ին Հովհաննեսի և Հակոբի կողմն հիմնված տպարանին մեջ առաջին անգամ կը հանդիպինք տառաձուլիչ Պողոսին (Հովհաննեսի որդին է, այսուհետև կհիշենք Արապյան կամ Արապօղլի անունով): Այստեղ մինչև 1769 թվականը տպագրվեցան 7 գիրք: Ստեփանոս Պերպեր-